




This image shows a blank, aged, cream-colored page, likely an endpaper or flyleaf of a book. The paper has a slightly textured appearance with some faint smudges and discoloration, characteristic of old paper. The left edge of the page shows the binding of the book, with some visible stitching or glue. There is no text or other markings on the page.



古樂苑卷第四

西吳 梅鼎祚 補正

東越 呂胤昌 校閱

郊廟歌辭

廟祀

漢

魏

晉

宋

漢安世房中歌

儀禮曰燕歌鄉樂周南關雎葛覃卷耳召南鵲巢采蘋采蘋鄭康成云王后國君夫人房中之樂歌也周南召南風化之本故謂之鄉樂用之房中以及朝廷饗燕鄉射飲酒也周官磬師掌教燕樂之鐘磬傳云燕樂房中之樂所謂陰聲也詩傳曰國君有房中之樂天子以周南諸侯以召南漢書曰房中祠樂高祖唐山夫人所作也周有房中樂至秦名曰壽人凡樂樂其所生禮不忘本高祖樂楚聲故房中樂楚聲也孝惠二年使樂府令夏侯寬備其簫管更名安世樂



宋書樂志曰魏文帝黃初二年議者以房中歌
后妃之德所以風天下正夫婦乃改爲正始之
樂明帝太和初繆襲奏魏國初建王粲所作登
歌安世詩專以思詠神靈及說神靈鑒享之意
晉書樂志曰魏明帝時侍中繆襲奏漢安世歌
詠亦說高張四縣神來燕享嘉薦令儀永受厥
福無有二南后妃風化天下之言今思惟往者
謂房中爲后妃之歌恐失其意方祭祀娛神登
堂歌先祖功德下堂歌詠燕享無事歌后妃之
化也於是改安世樂曰享神歌唐書禮樂志曰
平調清調瑟調皆周房中之遺聲按漢書云房
中歌十七章然止列爲九章宋劉敞注云疑本
十二章誤爲十七章因分列爲十七章之數馬
端臨文獻通考亦同而郭茂倩樂府作十六章
今從劉氏爲正文漢

書郭本分列于下

唐山夫人

大孝備矣休德昭清高張四縣樂充宮庭芬樹羽林雲

景杳冥金支秀華庶旄翠旌

劉敞云大孝備矣一章八句

七始華始肅倡和聲神來宴娛庶幾是聽粥粥音送細

參人情忽乘青玄熙事備成清思眇眇經緯冥冥

七始華始

一章十句漢書郭本
粥粥至冥冥一章

我定歷數人告其心敕身齊戒施教申申乃立祖廟敬

明尊親大矣孝熙四極爰轅

我定歷數一章十句郭本
同漢書至樂民人爲一章

轅與臻
字同

王侯秉德其鄰翼翼顯明昭式清明邕矣皇帝孝德竟

全大功撫安四極

王侯秉德一章
七句郭本同

海內有姦紛亂東北詔撫成師武臣承德行樂交逆簫

勺羣慝肅爲濟哉蓋定燕國

海內有姦一章八句郭本
同簫舜樂勺周樂勺讀曰

酌

大海蕩蕩水所歸高賢愉愉民所懷大山崔嵬丹殖民

何賢賢有德

大海蕩蕩一章
六句郭本同

安其所樂終產樂終產世繼緒飛龍秋遊上天高賢愉

樂民人

安其所一章八句郭本同蘇林曰秋飛貌也師
古曰莊子有秋駕之法者亦言駕馬騰驤秋秋

然也楊雄賦曰秋秋踰踰入西園其義亦同讀者
不曉秋義或改此秋字為秣稷之秣失之遠矣

豐草萋女羅施壽何如誰能回大莫大成教德長莫長

被無極

豐草萋一章八句
漢書郭本竝同

雷震震電耀耀明德鄉治本約治本約澤弘大加被寵

咸相保施德大世曼壽

雷震震一章十句
漢書郭本竝同

都荔遂芳窠桂華孝奏天儀若日月炎乘玄四龍回

馳北行羽旄殷盛芬哉芒芒孝道隨世我署文章

桂華一章

十句孟康曰窠出窠入都良薛荔之香鼓動桂華也晉灼曰桂華殿名樹此香草以潔齊其芳氣達於宮殿也臣瓚曰茂陵中書歌都嫺桂英美芳鼓行不得為殿師古曰都良薛荔俱有芬芳桂華之形窠窠然也

桂華馮馮翼翼承天之則吾易久遠燭明四極慈惠所

愛美若休德杳杳冥冥克綽永福

桂華一章十句劉敞曰馮馮翼翼此桂華

前章之名也古詩皆有篇名今此獨兩章存郭本至山則一章

美芳磴磴卽卽師象山則嗚呼孝哉案撫戎國蠻夷竭

歡象來致福兼臨是愛終無兵革

美芳一章八句郭本嗚呼至兵革一章漢

書桂華馮馮翼翼至兵革為一章劉奉世曰桂華美芳皆二詩章名本側注在前篇之末傳寫之誤遂以冠後

後詞無美芳亦
當作美若矣

嘉薦芳矣告靈饗矣告靈既饗德音孔臧惟德之臧建

侯之常承保天休令問不忘

嘉薦芳矣一章八句漢書郭本竝同

皇皇鴻明蕩侯休德嘉承天和伊樂厥福在樂不荒惟

民之則

皇皇鴻明一章六句

浚則師德下民咸殖令聞在舊孔容翼翼

浚則師德一章四句郭本

皇皇至王翼翼六爲一章

孔容之常承帝之明下民之樂子孫保光承順溫良受

帝之光嘉薦令芳壽考不忘

孔容之常一章八句郭本同

承帝明德師象山則雲施稱民永受厥福承容之常承

帝之明下民安樂受福無疆

承帝明德一章八句郭本同漢書皇皇鴻明至受福

無疆爲

一章

魏太廟頌

三章

建安十八年曹操爲魏公加九錫始立宗廟令祭作此頌以享其先始名曰顯廟頌後人更今名

王祭

思皇烈祖時邁其德肇啓洪源貽燕我則我休厥成聿先厥道丕顯丕欽允時祖考

綏庶邦和四字九功備彝樂序建崇牙設璧羽六佾奏八音舉昭大孝衍妣祖念武功收純祐

於穆清廟翼翼休徵祁祁髦士厥德允升懷想成位咸

犇在宮無思不若允觀厥崇

晉祠廟歌

南齊書樂志曰晉泰始中傅玄造玄云登歌歌盛德之功烈故廟異其文饗神猶周頌之有瞽及雍但說祭饗神明禮樂之盛七廟皆用之夏侯湛又造宗廟歌十三篇宋書樂志曰元康中荀蕃受詔成父勛業金石四縣用之郊廟

夕牲歌

傅玄

下同十一首

我夕我牲猗歟敬止嘉泰孔時供茲享祀神鑒厥誠博碩斯歆祖考降饗以虞孝孫之心

迎送神歌

嗚呼悠哉日鑒在茲以時享祀神明降之神明斯降既

祐饗之昨我無疆受天之祐赫赫太上巍巍聖祖明明
烈考丕承繼序

征西將軍登歌

經始宗廟神明戾止申錫無疆祗承享祀假哉皇祖綏
予孫子燕及後昆錫茲繁祉

豫章府君登歌

嘉樂肆庭薦祀在堂皇皇宗廟乃祖先皇濟濟辟公相

予烝嘗享祀不忒降福穰穰

肆郭本作在庭晉書作筵
先晉書作乃辟一作羣

潁川府君登歌

於邈先后實司于天顯矣皇祖帝祉肇臻本支克昌資

始開元惠我無疆享祀永年

祀晉書作祚

京兆府君登歌

於惟曾皇顯顯令德高明清亮匪兢柔克保乂命祐基命惟則篤生聖祖光濟四國

祐晉書作祐

宣皇帝登歌

於鑠皇祖聖德欽明勤施四方夙夜敬止載敷文教載揚武烈匡定社稷龔行天罰經始大業造創帝基畏天之命于時保之

景皇帝登歌

執競景皇克明克哲旁作穆穆惟祗惟畏纂宣之緒耆

定厥功登此俊乂糾彼羣凶業業在位帝既勤止維天之命於穆不已

文皇帝登歌

於穆時晉允文文皇聰明叡智聖敬神武萬幾莫綜皇斯清之虎兕放命皇斯平之柔遠能邇簡授英賢創業

垂統勳格皇天

虎兕晉書作蛇豕

饗神歌

二篇

曰晉是常享祀時序宗廟致敬禮樂具舉惟其來祭普天率土犧樽既奠清醑既載亦有和羹薦羞斯備烝烝永慕感時興思登歌奏舞神樂其和祖考來格祐我邦

家敷天之下罔不休嘉

敷天晉書作溥天

肅肅在位濟濟臣工四海來格禮儀有容鐘鼓振管絃
理舞開元歌永始神胥樂兮肅肅在位臣工濟濟小大
咸敬上下有禮理管絃振鼓鐘舞象德歌詠功神胥樂
今肅肅在位有來雍雍穆穆天子相維辟公禮有儀樂
有則舞象功歌詠德神胥樂兮

江左宗廟歌

晉書樂志曰永嘉之亂海內分崩伶官樂器皆沒於劉石江左初立宗廟尚書下太常祭祀所用樂名太常賀循答云魏氏增損漢樂以爲一代之禮未審大晉樂名所以爲異遭離喪亂舊典不存然此諸樂皆和之以鍾律文之以五聲詠之以歌亂陳之於舞列宮懸在庭琴瑟在堂

八音迭奏雅樂竝作登歌下管各有常詠周人之舊也自漢氏已來依倣此禮自造新詩而已舊京荒廢今旣斂亡音韻曲折又無識者則於今難以意言于時以無雅樂器及伶人省太樂并鼓吹令是後頗得登歌食舉之樂猶有未備太寧末明帝又詔阮孚等增益之咸和中成帝乃復置太樂官鳩集遺逸而尚未有金石也庾亮爲荊州與謝尚循復雅樂未具而亮薨庾翼桓溫專事軍旅樂器在庫遂至朽壞焉及慕容皝平冉閔兵戈之際而鄴下樂人亦頗有來者永嘉十一年謝尚鎮壽陽於是採拾樂人以備太樂并制石磬雅樂始頗具而王猛平鄴慕容氏所得樂聲又入關右太元中破苻堅又獲其樂工揚蜀等閑習舊樂於是四箱金石始備焉乃使曹毗王珣等增造宗廟歌詩然郊祀遂不設樂隋書樂志曰梁武帝云著晉宋史者皆言太元元嘉四年四箱金石大備今檢樂府止有黃鍾姑洗蕤賓太簇四格而已六律不具何謂四箱備樂之文其義焉在

歌高祖宣皇帝

曹毗

下同
十首

於赫高祖德協靈符應運撥亂釐整天衢勳格宇宙化
動八區肅以典刑陶以玄珠神石吐瑞靈芝自敷肇基
天命道均唐虞

歌世宗景皇帝

景皇承運纂隆洪緒自土維重抗天暉再舉蠢矣二寇擾
我揚楚乃整元戎以膏齊斧疊疊神筭赫赫王旅鯨鯢
旣平功冠帝宇

歌太祖文皇帝

太祖齊聖王猷誕融仁教四塞天基累崇皇室多難嚴

清紫宮威厲秋霜惠過春風平蜀夷楚以文以戎奄有
參墟聲流無窮

歌世祖武皇帝

於穆武皇允龔欽明應期登禪龍飛紫庭百揆時序聽
斷以情殊域旣賓僞吳亦平晨流甘露宵映朗星野有
擊壤路垂頌聲

歌中宗元皇帝

運屯百六天羅解貫元皇勃興網籠江漢仰齊七政俯
平禍亂化若風行澤猶雨散淪光更耀金輝復煥德冠

千載蔚有餘粲

網籠郭本作網羅

卷四
歌肅宗明皇帝

明明肅祖闡弘帝胙英風夙發清暉載路姦逆縱忒罔
式皇度躬振朱旗遂豁天步宏猷淵塞高羅雲布品物
咸寧洪基永固

歌顯宗成皇帝

於休顯宗道澤玄播式宣德音暢物以和邁德蹈仁匪
禮弗過敷以純風濯以清波連理映皐鳴鳳棲柯同規
放勛義益山河

歌康皇帝

康帝穆穆仰嗣洪德爲而不宰雅音四塞閑邪以誠鎮

物以默威靜區宇道宣邦國

歌孝宗穆皇帝

孝宗肅哲休音允臧如彼晨離曜景扶桑垂訓華幄流
潤八荒幽讚玄妙爰該典章西平僭蜀北靜舊疆高猷
遠暢朝有遺芳

歌哀皇帝

於穆哀皇聖心虛遠雅好玄古大庭是踐道尚無爲治
存易簡化若風行民猶草偃雖曰登遐德音彌聞悃悃

雲韶盡美盡善

民一作時

歌太宗簡文皇帝

王珣

下同
二首

皇矣簡文於昭于天靈明若神周淡如淵冲應其來實
與其遷疊疊心化日用不言易而有親簡而可傳觀流
彌遠求本逾玄

歌烈宗孝武皇帝

天鑒有晉欽哉烈宗同規文考玄默允龔威而不猛約
而能通神鉦一震九域來同道積淮海雅頌自東氣陶
淳露化協時雍

四時祠祀歌

曹毗

肅肅清廟巍巍聖功萬國來賓禮儀有容鍾鼓振金石
熙宣兆胙武開基神斯樂兮理管絃有來斯和說功德

吐清歌神斯樂兮洋洋玄化潤被九壤民無不悅道無
不往禮有儀樂有式詠九功永無極神斯樂兮

宋宗廟登歌

宋書樂志曰武帝永初元年七月有司奏皇朝肇建廟祀廟設雅樂太常鄭鮮之等八十八人各撰立新歌黃門侍郎王韶之所撰歌辭七首竝合施用詔可又有七廟饗神登歌一首併以歌章太后孝建二年十月辛未有司又奏郊廟舞樂皇帝親奉初登壇及入廟詣東壁並奏登歌不及三公行事左僕射建平王宏重參議公卿行事亦宜奏登歌有司又奏元會及二廟齊祠登歌伎舊竝於殿庭設作尋廟祠依新儀注登歌人上殿弦管在下今元會登歌人亦上殿弦管在下並詔可

北平府君登歌

王韶之

下同
八篇

綿綿遐緒昭明載融漢德未遠堯有遺風於穆皇祖永
世克隆本支惟慶貽厥靡窮

相國掾府君登歌

乃立清廟清廟肅肅乃備禮容禮容穆穆顯允皇祖昭

是嗣服錫茲繁祉聿懷多福

備一作終

開封府君登歌

四縣既序簫管既舉堂獻六瑚庭萬八羽先王有典克
禋皇祖不顯洪烈永介休祐

武原府君登歌

鐘鼓嚶嚶威儀將將溫恭禮樂敬享曾皇邁德垂仁係

軌重光天命純嘏惠我無疆

敬郭本作致

東安府君登歌

鑠矣皇祖帝度其心永言配命播茲徽音思我茂猷如玉如金駿奔在陛是鑒是歆

孝皇帝登歌

烝哉孝皇齊聖廣淵發祥誕慶景胙自天德敷金石道被管絃有命既集徽風永宣

高祖武皇帝登歌

惟天有命眷求上哲赫矣聖武撫運桓撥功竝敷土道均汝墳止戈曰武經緯稱文鳥龍失紀雲火代名受終

改物作我宋京至道惟王大業有劭降德兆民升歌清廟

七廟享神登歌

奕奕寢廟奉璋在庭笙籥既列犧象既盈黍稷匪芳明祀惟馨樂具禮充潔羞薦誠神之格思介以休禎濟濟羣辟永觀厥成

七廟迎神辭

宋書不載按志竣嘗同荀萬秋竟陵建平王等議樂則此亦當

時所製或未施用耳

顏竣

敬恭明祀孝道感通合樂維和展禮有容六舞肅列九變成終神之來思享茲潔衷靈之往矣綏我家邦

世祖廟歌 二章

世祖孝武皇帝廟歌

謝莊 下同

帝錫二祖長世多祜於穆睿考龔聖承矩玄極弛馭乾
紐墜緒闢我皇維締我宗宇刷定四海肇構神京復禮
輯樂散馬墮城澤物九有化浮八瀛慶雲承掖甘露飛
薨肅肅清廟徽徽闕宮舞蹈象德笙磬陳風黍稷非盛
明德惟崇神其歆止降福無窮

龔一作龔
宗一作宋

宣皇太后廟歌

稟祥月輝毓德軒光嗣徽嫺內思媚周姜母臨萬寓訓
藹紫房朱玄玉籥式載瓊芳

章廟舞樂歌辭

宋書樂志曰文帝章太后廟未有樂章孝武大明中使尚書左丞殷淡造新歌明帝又自造昭太后宣太后歌詩又曰章廟樂舞襍歌悉同用太廟辭唯三后別撰隋書樂志曰梁天監元年周捨議曰禮尸出入奏肆夏賓入大門奏肆夏牲出入奏昭夏宋季失禮神入廟門遂奏昭夏乃以牲牢之樂用接祖宗之靈斯皆前代之深疵當今所宜改也

肅咸樂

夕牲賓出入奏

殷淡

下同九首

彛承孝典恭事嚴聖浹天奉賁聲壤齊慶司儀具序羽容夙彰芬枝颺烈黼構周張助寶奠軒酌珍克庭璆縣凝會琄朱竚聲先期選禮肅若有承祗對靈祉皇慶昭

膺

禮一作會

尊事威儀輝容昭叙迅恭神明粢盛牲俎肅肅嚴宮藹
藹崇基皇靈降祉百祇具司戒誠望夜端列承朝依微
昭旦物色輕宵鴻慶遐邇嘉薦令芳翊帝明德永祚流
光

引牲樂

牲出入奏

維誠潔饗維孝奠靈敬芬黍稷敬滌犧牲駢繭在黍載
溢載豐以承宗祀以肅皇衷蕭芳四舉華火周傳神監
孔昭嘉是柔牲

嘉薦樂

薦豆呈毛血奏

肇禋戒祀禮容咸舉六典飭文九司昭序牲柔既昭犧

剛既陳恭滌惟清敬事惟神加邊再御兼俎重薦節動
軒越聲流金縣奕奕閼幄疊疊嚴闡潔誠夕鑒端服晨
暉聖靈戾止翊我皇則上綏四寓下洋萬國永言孝饗
孝饗有容儉僚贊列肅肅雍雍

齊樂用此分
奕奕爲一章

昭夏樂

迎神奏

閼宮黝黝復殿微微璿除肅炤釭壁彤輝黼帟神疑玉
堂嚴馨園火夕耀方水朝清金枝委樹翠鐙竚縣停波
澄宿華漢浮天恭事既夙虔心有慕仰降皇靈俯寧休
胙

永至樂

皇帝入廟北門奏漢書禮樂志曰皇帝
入廟門奏永至以爲行步之節猶古采

齊肆
夏也

皇明邕矣孝容以昭鑾華羽迺拂漢涵瀉申申嘉夜翊

翊休朝行金景送步玉風韶師承祀則肅對禋祧

明一作朝

瀉一作瀉

登歌 太祝裸地奏

帝容承祀練時涓日九重徹闕四靈賓至肅倡函音庶
旌委佾休靈告饗嘉慶尚芬玉瑚飾列桂簋昭陳具司
選禮翼翼振振

裸崇祀典酌恭孝時禮無爽物信靡媿辭精華孚邕誠
監昭通升歌翊節下管調風皇心履變敬明尊親大哉

孝德至矣交神

章德凱容樂舞歌

章太后神室奏

幽瑞浚靈表彰嬪聖翊載徽文敷光崇慶上緯纏祥中
維飾詠永屬輝猷聯昌景命

昭德凱容樂舞歌

昭太后神室奏

明帝

下同二首

表靈躋象續儀緯風膺華丹耀登瑞紫穹訓形霄宇武
彰宸宮騰芬金會寫德聲容

宣德凱容樂舞歌

宣太后神室奏

天樞凝耀地紐儷輝聯光騰世炳慶翔機薰謁中寓景
躋上微玉頌鏤德金籥傳徽

嘉祚樂舞辭

皇帝還東壁受福酒奏

殷淡

下同四首

禮薦洽福時昌皇聖膺嘉祐帝業凝休祥居極乘景運
宅德瑞中王澄明臨四表精華延八鄉洞海周聲惠徹
宇麗乾光靈慶纏世祉鴻烈永無疆

時齊作祚

昭夏樂舞歌

送神奏二章

大孝備盛禮豐神安留嘉樂充旋駕聳汎青穹延八虛
闢四空藹流景肅行風

昭融教緝風度戀皇靈結深慕解羽縣輟華樹偕琬除
端玉輅流汪濊慶國步

偕一作背

休成樂歌

皇帝詣便殿奏漢書禮樂志曰登歌再終下奏休成之樂美神明既饗也

醴醴具登嘉俎咸薦饗洽誠陳禮周樂徧祝辭罷裸序
容輟縣蹕動端庭鑾回嚴殿神儀駐景華漢亭虛八靈
案衛三祗解途翠蓋燿澄畢奕凝宸玉鑣息節金輅懷
音式誠遠孝底心肅感追憑皇鑒思承淵範神錫懋祉
四緯昭明仰福帝徽俯齊庶生

燿澄齊書作澄
燿凝宸作凝宸

古樂苑卷第四

終

古樂苑卷第五

西吳 梅鼎祚 補正

東越 呂胤昌 校閱

郊廟歌辭

廟祀

梁

陳

北周

隋

齊太廟樂歌

南齊書樂志曰宋昇明中太祖爲齊王令司馬褚淵造太廟登歌二章建元初詔黃門侍郎謝超宗造廟樂歌詩十六章永明二年尚書殿中曹奏太祖高皇帝廟神室奏高德宣烈之舞未有歌詩郊應須歌辭穆皇后廟神室亦未有歌辭案傅玄云登歌廟異其文饗神十室同辭此議爲允又尋漢世歌篇多少無定皆稱事立文竝多八句然後轉韻時有兩三韻而轉其例甚寡張華夏侯湛亦同前式傳玄改韻頗數更傷簡節之美近世王韶之顏延之竝四韻乃轉得

賒促之中顏延之謝莊作二廟歌皆各三章章
八句此於序述功業詳畧為宜今宜依之郊配
之日改降尊作王禮殊宗廟穆后母儀之化事
異經綸此二歌為一章八句別奏事御奉行詔
可尚書令王儉造太廟二室及郊配辭古今樂
錄曰梁何佟之周捨等議以為周禮牲出入奏
昭夏而齊氏仍宋儀注迎神奏昭夏牲出入更
奏引牲樂乃以牲牢之樂用接祖宗之靈宋季
之失
禮也

肅咸樂

夕牲羣臣出入奏

謝超宗

下同
十六章

潔誠底孝孝感煙霜寅儀式序肅禮綿張金華樹藻肅
哲騰光殷殷升奏嚴嚴階庠匪椒匪玉是降是將懋分
神衷翊祐傳昌

引牲樂

牲出入奏

肇祀嚴靈恭禮尊國達敬傳典結孝陳則芬滌既肅犧
牲既整聳誠流思端儀選景肆禮佇夜綿樂望晨崇席
皇鑒用饗明神

傳一作敷

嘉薦樂

薦豆呈毛血奏

清思眇眇閔寢微微恭言載感肅若有希芬俎具陳嘉
薦兼列凝馨煙颺分炤星哲睿靈式降協我帝道上澄
五緯下陶八表

右夕牲歌辭

昭夏樂

迎神奏

涓辰選氣展禮恭祇重闈月洞層牖煙施載虛玉鬯載
受金枝天歌折饗雲舞罄儀神惟降止汎景凝義帝華

永藹泯漭方摘

永至樂

皇帝入廟
北門奏

戲繇惟則姬經式序九司聯事八方承宇鑾迺靜陳縵
樂具舉凝旒若慕傾璜載佇振振璇衛穆穆禮容載藹
皇步式敷帝蹤

登歌

太祝裸地奏

清明既邕大孝乃熙天儀睟愴皇心儼思旣芬房豆載
潔牲牲鬱裸升禮銷玉登聲茂對幽嚴式奉徽靈以享
以祀惟感惟誠

明一作容
玉一作金

凱容樂

皇祖廟陵
永神室奏

國昭惟茂帝穆惟崇登祥緯遠締世景融紛綸睿緒蒼
蔚王風明進厥始濬哲文終

凱容樂

皇祖太中大夫
府君神室奏

璇條夤蔚瓊源浚照懋矣皇烈載挺明劭永言敬思式
恭惟教休途良乂榮光有耀

凱容樂

皇祖淮陰令
府君神室奏

嚴宗正典崇享肇禋九章既飭二清既陳昭恭皇祖承
假徽神貞祐伊協卿藹是鄰

凱容樂

曾祖卽丘令
府君神室奏

肅惟敬祀潔事參鄉環袞像綴絢密絲簧明明烈祖尚

錫龍光粵雅于姬伊頌在商

凱容樂

皇祖太常卿
府君神室奏

神宮懋鄴明寢昌基德凝羽綴道邕容辭假我帝緒懿
我皇維昭大之載國齊之祺

宣德凱容樂

皇考宣皇
帝神室奏

道闕期運義開藏用皇矣睿祖至哉攸縱循規烈炤襲
矩重芬德溢軒義道懋炎雲

凱容樂

昭皇后神室奏

月靈誕慶雲瑞開祥道茂淵柔德表徽章粹訓宸中儀
形宙外容蹈凝華金羽傳藹

永祚樂

皇帝還東壁
上福酒奏

構宸抗宇合軫齊文萬霧載溢百禮以殷朱絃繞風翠
羽停雲桂樽旣滌瑤俎旣薰升薦惟誠昭禮惟芬降祉
遙裔集慶氤氲

肆夏樂

送神奏

禮旣升樂以愉昭序溢幽饗餘人祇鬯敬教敷神光動
靈駕翔芬九垓鏡八鄉福無屆祚無疆

休成樂

皇帝詣便殿奏

睿孝式鬯饗敬爰徧諦容輟序侑文靜縣辰儀聳蹕霄
衛浮鑾旒帟雲施翠華景搏恭惟尚烈休明再纏國猷

遠藹昌圖聿宣

編一作偏
縣一作懸

太廟登歌

褚淵

下同
二章

惟王建國設廟凝靈月薦流典時祀暉經瞻宸僊思雨
露追情簡日筮畧閔莫升文金壘淳桂冲幄舒薰備僚
肅列駐景開雲

至饗攸極睿孝惇禮具物咸潔聲香合體氣昭扶幽眇
慕躔遠迎絲驚促送侑留晚聖衷踐候節改增愴妙感
崇深英徽彌亮

聲香郭本
作馨聲

高德宣烈樂

太祖高皇帝
神室奏

王儉

下同
三章

悠悠草昧穆穆經綸乃文乃武乃聖乃神動龕危亂靜

比斯民誕應休命奄有八寅握機肇運光啓禹服義滿
天淵禮昭地軸澤靡不懷威無不肅戎夷竭歡象來致
福偃風裁化暉日敷祥信星含曜拒草流芳七廟觀德
六樂宣章惟先惟敬是饗是將

穆德凱容樂

穆皇后神室奏

大姒嬪周塗山儷禹我后嗣徽重規疊矩肅肅閔宮翔
翔雲舞有饗德馨無絕終古

明德凱容樂

高宗明皇帝神室奏

多難固業殷憂啓聖帝宗讚武維時執競起柳獻祥百
堵興詠義雖祀夏功符受命遠無不懷邇無不肅其儀

濟濟其容穆穆赫矣君臨昭哉嗣服允王惟后膺此多
福禮以昭事樂以感靈八簋陳室六舞充庭觀德在廟
象德在形四海來祭萬國咸寧

梁宗廟登歌

隋書樂志曰七曲四言皇帝初獻奏按太廟雅
歌與郊明堂同用者皇雅滌雅牲雅誠雅第三
首竝沈約撰

沈約

功高禮洽德尊樂備三獻具舉百司在位誠敬罔訾幽
明同致茫茫億兆無思不遂益之如天容之如地
殷兆玉筐周始邠王於赫文祖基我大梁肇土七十奄
有四方帝軒百祀人思未忘永言聖烈祚我無疆

有夏多罪殷人塗炭四海倒懸十室思亂自天命我殲
凶殄難既躍乃飛言登天漢爰饗爰祀福祿攸贊

祀郭作格

犧象既飾壘俎斯具我鬱載馨黃流乃注峨峨卿士駿
奔是務佩上鳴堦纓還拂樹悠悠億兆天臨日照

猗歟至德光被黔首鑄鎔蒼昊甄陶區有肅恭三獻對

揚萬壽比屋可封含生無咎匪徒七白天長地久

肅郭作格

有命自天於皇后帝悠悠四海莫不來祭繁祉具膺八
神聳衛福至有兆慶來無際播此餘休于彼荒裔

祀典昭潔我禮莫違八簋充室六龍解駢神宮肅肅霽
寢微微嘉薦既饗景福攸歸至德光被洪祚載輝

小廟樂歌

隋書樂志曰梁又有小廟太祖太夫人廟非嫡故別立廟皇帝每祭太廟訖諸小廟亦以一太牢如太廟禮

舞歌

闕宮肅肅清廟濟濟於穆夫人固天攸啓祚我梁德膺
斯盛禮文棨達嚮重檐丹陛飾我俎彛潔我粢盛躬事
奠饗推尊盡敬悠悠萬國具承茲慶大孝追遠兆庶攸
詠

登歌

光流者遠禮賚彌申嘉饗云備盛典必陳追養自本立

慶惟親皇情乃慕帝服來尊駕齊六轡旂耀三辰感茲
霜露事彼冬春以斯孝德永被烝民

陳太廟舞辭

隋書樂志曰陳初竝用
梁樂唯改七室舞辭

周弘讓

凱容舞

皇祖步兵府
君神室奏

於赫皇祖宮牆高嶷邁彼厥初成茲峻極綬樂簡簡閔
寢翼翼裸饗若存惟靈靡測

凱容舞

皇祖正員府
君神室奏

昭哉上德浚彼洪源道光前訓慶流後昆神猷緬邈清
廟斯存以享以祀惟祖惟尊惟郭作是

凱容舞

皇祖懷安府君神室奏

選辰崇饗飾禮嚴敬靡愛牲牢兼馨粢盛明明列祖龍光遠映肇我王風形斯舞詠

凱容舞

皇高祖安成府君神室奏

道遥積慶德遠昌基永言祖武致享從思九章停列入舞廻舞霽其降止百福來綏

凱容舞

皇曾祖太常府君神室奏

肇迹締基義標鴻篆恭惟載德瓊源方闡享薦三清筵陳四璉增我堂構式敷帝典

景德凱容舞

皇祖景皇帝神室奏

皇祖執德長發其祥顯仁藏用懷道韜光寧斯閼寢合
此蕭鄉永昭貽厥還符翦商

武德舞

皇考高祖武
皇帝神室奏

烝哉聖祖撫運升離道周經緯功格玄祇方軒邁扈比
舜陵嫺緝熙是詠欽明在斯雲雷邁屯圖南共舉大定
揚越震威衡楚四奧宅心九疇還叙景星出翼非雲入
呂德暢容辭慶昭羽綴於穆清廟載揚徽烈嘉玉旣陳
豐盛斯潔是將是享鴻猷無絕

北齊享廟樂辭

陸卬等奉詔撰

肆夏樂

先祀一日夕牲羣臣入奏三公出進
熟羣臣入羣官出竝奏肆夏辭同

霜淒雨暢烝哉帝心有敬其祀肅事惟歆昭昭車服濟
濟衣簪鞠躬貢酎磬折奉琛差以五列和以八音式祇
王度如玉如金

高明登歌樂

迎神奏

日卜惟吉辰擇其良奕奕清廟黼黻周張大呂爲角應
鍾爲羽路鼗陰竹德歌昭舞祀事孔明百神允穆神心
乃顧保茲介福

昭夏樂

牲出入奏

大祀云事獻奠有儀既歌既展贊顧迎犧執從伊竦芻
飾惟慄俟用於庭將升於室且握且騂以致其誠惠我

貽頌降祉千齡

昭夏樂

薦毛血奏

緬彼遐慨悠然永思留連七享纏綿四時神升魄沈靡
聞靡見陰陽載俟臭聲兼薦祖考其鑒言萃王休降神
敷錫百福是由

皇夏樂

進熟皇帝入北門奏詣東
陛升殿並奏皇夏辭同

齊居嚴殿夙駕層闈車輅垂彩旒袞騰輝聳誠載仰翹
心有慕洞洞自形斤斤表步闕宮有遂神道依稀孝心
緬邈爰屬爰依

登歌樂

太祝裸地奏

太室窅窅神居宿設鬱鬱惟芬珪璋惟潔粢粢應時龍
蒲代用藉茅無咎福祿攸降端感會事儼思修禮齊齊
勿勿俄俄濟濟

登歌樂

皇帝升殿
殿上作

我祠我祖永惟厥先炎農肇聖靈祉蟬聯霸圖中造帝
業方宣道昌基構撫運承天奄家六合爰允八埏尊神
致禮孝思惟縈寒來暑反惕薦在年匪敬伊慕備物不
愆設簋設業靴鼓填填辟公在位有容伊虔登歌啓佾
下管應懸厥容無爽幽明肅然誠而厚地和達穹玄旣
調風雨載協山川周庭有列湯孫永延教聲惟被邁後

光前

始基樂恢祚舞

皇帝初獻六世祖司空公神室奏

克明克俊祖武惟昌業弘營土聲被海方有流厥德終耀其光明神幽贊景祚攸長

始基樂恢祚舞

五世祖吏部尚書神室奏

顯允盛德隆我前構瑤源彌瀉瓊根愈秀誕惟有族不緒克茂大業崇新洪基增舊

始基樂恢祚舞

高祖秦州使君神室奏

祖德丕顯明詰知機豹變東國鵠起西歸禮申官次命改朝衣敬思孝享多福無違

始基樂恢祚舞

曾祖太尉武貞公神室奏

兆靈有業潛德無聲韜光戢耀貫幽洞冥道弘舒卷施博藏行緬追歲事夜遽不寧

始基樂恢祚舞

祖文穆皇帝神室奏

皇皇祖德穆穆其風語嘿自已明獻在躬荷天之錫聖表克隆高山作矣寶祚其崇離允旦旦載煥載融感薦惟永神保無窮

武德樂昭烈舞

高祖神武皇帝神室奏

天造草昧時難糾紛孰拯斯溺靡救其焚大人利見緯武經文顧指維極吐吸風雲開天闢地峻嶽夷海冥工

掩迹上德不宰神心有應龍化無待義征九服仁兵告
凱上平下成靡或不寧匪王伊帝偶極崇靈享親則孝
潔祀惟誠禮備樂序肅贊神明

文德樂宣正舞

文襄皇帝
神室奏

聖武丕基獻文顯統眇哉神啓鬱矣天縱道則人弘德
云邁種昭冥咸叙崇深畢綜自中徂外經朝庇野政反
淪風威還缺雅旁作穆穆格于上下維享維宗來鑒來
假

文正樂光大舞

顯祖文宣
皇帝神室

玄曆已謝蒼靈告期圖璽有屬揖讓惟時龍升虎變弘

我帝基對揚穹昊寔啓雍熙欽若皇猷永懷王度欣賞
斯穆威刑允措軌物俱宣憲章咸布俗無邪指下歸正
路茫茫九域振以乾綱混通華裔配括天壤作禮視德
列樂傳響薦祀惟虔衣冠載仰

虎隋書
作獸

皇夏樂

皇帝還東壁
飲福酒奏

孝心翼翼率禮兢兢時洗時薦或降或升在堂在戶載
湛載凝多品斯奠備物攸膺蘭芬敬挹玉俎恭承受祭
之祐如彼岡陵

高明樂

送神奏

仰棖楠慕衣冠禮云罄祀將闌神之駕紛奕奕乘白雲

無不適窮昭域極幽塗歸帝社眷皇都

皇夏樂

帝詣便殿奏

禮行斯畢樂奏以終受嘏先退載暢其衷鑾軒循轍麾
旌復路光景徘徊絃歌顧慕靈之相矣有錫無疆國圖
日競家曆天長

周宗廟歌辭

皇夏

皇帝入廟門奏

庾信

下同

肅肅清廟巖巖寢門歌器防滿金人戒言應輦懸鼓崇
牙樹羽階變升歌庭紛象舞閑安象設緝熙清奠春鮪
初登新萍先薦倭然入室儼乎其位悽愴履之非寒之

謂其郭
作在

昭夏
降神奏

永維祖武潛慶靈長龍圖革命鳳曆歸昌功移上塲德
耀中陽清廟肅肅猛虞煌煌曲高大夏聲和盛唐牲牷
蕩滌蕭合馨香和鑾戾止振鷺來翔永敷萬國是則四
方

皇夏
組入皇帝
升階奏

年祥辨日上協龜言奉酎承列來庭駿奔雕禾飾竿翠
羽承樽敬殫如此恭惟執燔

皇夏
皇帝獻皇
高祖奏

慶緒千重秀鴻源萬里長無時猶戢翼有道故韜光盛
德必有後仁義終克昌明星初肇慶大電久呈祥

皇夏

皇帝獻皇帝曾祖德皇帝奏

克昌光上烈基聖穆西藩崇仁高涉渭積德被居原帝
圖張往迹王業茂前尊重芬德陽廟疊慶壽陵園百靈
光祖武千年福孝孫

皇夏

皇帝獻皇帝太祖文皇帝奏

雄圖屬天造宏畧遇羣飛風雲猶聽命龍躍遂乘機百
二當天險三分拒樂推函谷風塵散河陽氛霧晞濟弱
淪風起扶危頽運歸地紐崩還正天樞落更追原祠乍

超忽畢隴或綿微終封三尺劍長卷一戎衣

皇夏

皇帝獻文宣
皇太后奏

月靈興慶沙祥發源功參禹迹德贊堯門言容典禮禴
秋徽章儀形溫德令問昭陽日月不居歲時晚晚瑞雲
纏心閔宮惟遠

皇夏

皇帝獻閔
皇帝奏

龍圖基代德天步屬艱難謳歌還受瑞揖讓乃登壇升
輿芒刺重入位據闕寒卷舒雲汎濫遊揚日浸微出鄭
終無反居桐竟不歸祀夏今惟舊尊霸諡更追

皇夏

皇帝獻明
皇帝奏

若水逢降君窮桑屬惟政丕哉馭帝籙鬱矣當天命方
定五雲官先齊八風令文昌氣似珠太史河如鏡南宮
學已開東觀書還聚文辭金石韻毫翰風飈豎清室桂
馮馮齊房芝詡詡寧思玉管笛空見靈衣舞

皇夏

皇帝獻高祖
武皇帝奏

南河吐雲氣北斗降星辰百靈咸仰德千年一聖人書
成紫微動律定鳳凰馴六軍命西土甲子陳東鄰戎衣
此一定萬里更無塵煙雲同五色日月竝重輪流沙旣
西靜蟠木又東臣凱樂聞朱鴈饒歌見白麟今爲六代
祀還得九疑賓

皇夏

皇帝還東壁
飲福酒奏

禮殫裸獻樂極休成長離前拔宗祀文明縮酌浮蘭澄
壘合鬯磬折禮容旋廻靈貺受釐撤俎飲福移樽惟光
惟烈文子文孫

皇夏

皇帝還便坐奏

庭闕四始筵終三薦顧步堦墀徘徊餘莫六龍矯首七
萃警途鼓移行漏風轉相烏翼翼從事綿綿四時惟神
降嘏永言保之

大裕樂歌

二首餘同
宗廟時享

昭夏

降神奏

律在夾鍾服居蒼衮杳杳清思綿綿長遠就祭於合班
神於本來庭有序助祭有章樂舞六代賓歌二王和鈴
以節絳革斯鏘齊宮饌玉鬱掌浮金洞庭鐘鼓龍門瑟
琴其樂已變惟神是臨

登歌

奠玉帛奏

神惟顯思不言而令玉帛之禮敢陳莊敬奉如弗勝薦
如受命交於神明慙於言行

隋太廟歌

隋書樂志曰先是高祖遣內史侍郎李元操直
內使省盧思道等列清廟歌辭十二曲令齊樂
人曹妙達於太樂教習以代周歌其初迎神七
言象元基曲獻奠登歌六言象傾盃曲送神禮

畢五言象行天曲至是弘等但改其聲合於鐘律而辭經勅定不敢易之至仁壽元年煬帝初爲太子從饗于太廟聞而非之乃上言曰清廟歌辭文多浮麗不足以述宣功德請更議定於是制詔吏部尚書竒章公弘開府儀同三司領太子洗馬柳顧言祕書丞攝太常少卿許善心內史舍人虞世基禮部尚書蔡徵等更詳故實創製雅樂歌辭大業元年煬帝又詔脩高廟樂後復難于改作其議竟寢惟新造高祖廟歌九首今亡

迎神歌

務本興教尊神體國霜露感心享祀陳則官聯式序奔走在庭几筵結慕裸獻惟誠嘉樂載合神其降止永言保之錫以繁祉

登歌

孝熙嚴祖師象敬宗惟皇肅肅有來雍雍雕梁霞複繡
櫟雲重觀德自感奉璋伊恭彞竿盡飾羽綴有容升歌
發藻景福來從

俎入歌

郊丘社廟同

祭本用初祀由功舉駿奔咸會供神有序明酌盈樽豐
犧實俎幽金旣薦績錯維旅享由明德香非稷黍載流
嘉慶克固鴻緒

皇高祖太原府君歌

締基發祥肇源興慶迺仁迺哲克明克令庸宣國圖善
流人詠開我皇業七百同盛

皇曾祖康王歌

皇條俊茂帝系靈長豐功疊軌厚利重光福由善積代
以德彰嚴恭盡禮永錫無疆

皇祖獻王歌

盛才必達不基增舊涉渭同符遷邠等構弘風邁德義

高道富神鑒孔昭王猷克懋

渭隋書
作魏

皇考太祖武元皇帝歌

深仁冥著至道潛敷皇矣太祖耀名天衢翦商隆祚奄
宅隋區有命既集誕開靈符

飲福酒歌

郊丘社廟同

神道正直祀事有融肅雍備禮莊敬在躬羞燔已具奠
醑將終降祥惟永受福無窮

送神歌

饗禮具利事成佇旒冕肅簪纓金奏終玉俎撤盡孝敬
窮嚴絜人祇分哀樂半降景福憑幽贊

樂苑

卷五

七

古樂苑卷第五

終

古樂苑卷第六

西吳 梅鼎祚 補正

東越 呂胤昌 校閱

燕射歌辭

晉

宋

齊

周禮大宗伯之職曰以飲食之禮親宗族兄弟以賓射之禮親故舊朋友以饗燕之禮親四方之賓客大行人掌大賓之禮大客之儀以親諸侯以九儀辨諸侯之命等諸臣之爵以同邦國之禮而待其賓客上公饗禮九獻食禮九舉侯伯饗禮七獻食禮七舉子男饗禮五獻食舉五舉諸侯之卿各下其君二等大夫士皆如之凡正饗食則在廟燕則在寢所以仁賓客也儀燕禮曰工歌鹿鳴四牡皇皇者華笙入奏南陔白華華黍乃閒歌魚麗笙由庚歌南有嘉魚笙崇丘歌南山有臺笙由儀遂歌鄉樂周南關雎葛覃卷耳召南鵲巢采芣采蘋此燕饗之有樂也大司樂曰大射王出入奏王夏

及射令奏騶虞詔諸侯以弓矢舞樂師燕射帥射
夫以弓矢舞大師大射帥瞽而歌射節此大射之
有樂也王制曰天子食舉以樂大司樂王大食三
宥皆令奏鐘鼓漢鮑業曰古者天子食飲必順四
時五味故有食舉之樂所以順天地養神明求福
應也此食舉之有樂也隋書樂志曰漢明帝時樂
有四品其二曰雅頌樂辟雍饗射之所用則孝經
所謂移風易俗莫善於樂禮記曰揖讓而治天下
者禮樂之謂也三曰黃門鼓吹天子宴羣臣之所
用則詩所謂坎坎鼓我蹲蹲舞我者也漢有殿中
御飯食舉七曲太樂食舉十三曲魏有雅樂四曲
皆取周詩鹿鳴晉荀勗以鹿鳴燕嘉賓無取於朝
乃除鹿鳴舊歌更作行禮詩四篇先陳三朝朝宗
之義又爲王公上壽酒食舉樂歌詩十三篇司律
陳頤以爲三元肇發羣后奉璧趨步拜起莫非行
禮豈容別設一樂謂之行禮荀譏鹿鳴之失似悟
昔繆還制四篇復襲前軌亦未爲得也終宋齊已
來相承用之梁陳三朝樂有四十九等其曲有相
和五引及俊雅等七曲後魏道武初正月上日饗
羣臣備列宮縣正樂奏燕趙秦吳之音五方殊俗

之曲四時饗會亦用之隋煬帝初詔祕書省學士
定殿前樂工歌十四曲終大業之世每舉用焉其
後又因高祖七部樂乃定時五
味故有食舉隋舊制用九部樂

晉四廂樂歌

晉書樂志曰杜夔傳舊雅樂四曲一曰鹿鳴二
曰騶虞三曰伐檀四曰文皇皆古聲辭及太和
中左延年改夔騶虞伐檀文王三曲更自作聲
節其名雖存而聲實異唯因夔鹿鳴全不改易
每正旦大會太尉奉璧羣后行禮東廂雅樂常
作者是也後又改三篇之行禮詩第一曰於赫
篇詠武帝聲節與古鹿鳴同第二曰巍巍篇詠
文帝用延年所改騶虞聲第三曰洋洋篇詠明
帝用延年所作文王聲第四復用鹿鳴鹿鳴之
聲重用而除古伐檀及晉初食舉亦用鹿鳴至
泰始五年尚書奏使太僕傅玄中書監荀勗黃
門侍郎張華各造正旦行禮及王公上壽酒食
舉樂歌詩荀勗云魏氏行禮食舉再取周詩鹿
鳴以爲樂章又鹿鳴以宴嘉賓無取於朝考之

舊聞未知所應勗乃除鹿鳴舊歌更作行禮詩四篇先陳三朝朝宗之義又爲正旦大會王公上壽歌詩并食舉樂歌詩合十三篇又以魏氏歌詩或二言或三言或四言或五言與古詩不類以問司律中郎將陳頥頥曰被之金石未必皆當故勗造晉歌皆爲四言唯王公上壽酒一篇爲三言五言焉張華以爲魏上壽食舉詩及漢氏所施用其文句長短不齊未皆合古蓋以依詠弦節本有因循而識樂知音足以制聲度曲法用率非凡近之所能改二代三京襲而不變雖詩章辭異廢興隨時至其韻逗留曲折皆繫於舊有由然也是以一皆因就不敢有所改易此則華勗所明異旨也時詔又使中書侍郎成公綏亦作焉按傅玄張華正旦大會上壽食舉詩晉書不載載宋書

正旦大會行禮歌

傅玄

下同

天鑒有晉世祚聖皇時齊七政朝此萬方

其一

鐘鼓斯震

九賓備禮正位在朝穆穆濟濟其二煌煌三辰實麗于天

君后是象威儀孔虔其三率禮無愆莫匪邁德儀刑聖皇

萬邦惟則其四 天鑒 四章章四句

上壽酒歌

於赫明明聖德龍興三朝獻酒萬壽是膺敷佑四方如

日之升自天降祚元吉有徵於赫一章 章八句

食舉東西廂歌

天命大晉載育羣生於穆上德隨時化成其一自祖配命

皇皇后辟繼天創業宣文之績其二丕顯宣文先知稼穡

克恭克儉足教足食其三既教食之弘濟艱難上帝是祐

下民所安

其四

天祐聖皇萬邦來賀雖安勿安乾乾匪暇

其五

乃正丘郊乃定冢社虞虞作宗光宅天下

其六

惟敬朝

饗爰奏食舉盡禮供御嘉樂有序

其七

樹羽設業笙鏞以

間琴瑟齊列亦有箎塤

其八

嗶嗶鼓鐘鎗鎗磬管八音克

諧載夷載簡

其九

既夷既簡其大不禦風化潛興如雲如

雨

其十

如雲之覆如雨之潤聲教所暨無思不順

其十一

教

以化之樂以和之和而養之時惟邕熙

其十二

禮慎其儀

樂節其聲於鑠皇繇既和且平

其十三

天命

其十四

章章四句

四廂樂歌

宋書樂志曰晉荀勗造正旦大會行禮歌四篇
一曰於皇當於赫二曰明明當巍巍三曰邦國

當洋洋四曰祖宗當鹿鳴王公上壽酒歌一篇
曰踐元辰當羽觴行食舉樂東西廂歌十二篇
一曰煌煌當鹿鳴二曰賓之初筵當於穆三曰
三后當昭昭四曰赫矣當華華五曰烈文當朝
宴六曰猗歟當盛德七曰隆化當綏萬邦八曰
振鷺當朝朝九曰翼翼當順天十曰既宴當陟
天庭十一曰時邕當
參兩儀十二曰嘉會

正旦大會行禮歌

四章

荀勗下同

於皇元首羣生資始履端大享敬御繁祉肆覲羣后爰

及卿士欽順則元允也天子

於皇一章八句

明明天子臨下有赫四表宅心惠浹荒貊柔遠能邇孔

淑不逆來格祁祁邦家是若

明明一章八句

光光邦國天篤其祜丕顯哲命顧柔三祖世德作求奄

有九土思我皇度彛倫攸序

邦國一章八句

惟祖惟宗高朗緝熙對越在天駿惠在茲聿求厥成我

皇崇之式固其猶往敬用治

祖宗一章八句

王公上壽酒歌

踐元辰延顯融獻羽觴祈令終我皇壽而隆我皇茂而

蒿本枝奮百世休祚鍾聖躬

踐元辰一章八句

食舉樂東西廂歌

十二章

煌煌七曜重明交暢我有嘉賓是應是貺邦政既圖接

以大饗人之好我式遵德讓

煌煌一章八句

賓之初筵藹藹濟濟既朝乃宴以洽百禮頒以位叙或

廷或陞登儋台叟亦有兄弟胥子陪寮憲茲度楷觀頤

養正降福孔偕寶之初筵一章十二句

昔我三后大業是維今我聖皇焜耀前暉奕世重規明

照九畿思輯用光時罔有違陟禹之跡莫不來威天被

顯祿福履是綏三后一章十二句

赫矣太祖克廣明德廓開宇宙正世立則變化不經民

無瑕慝創業垂統兆我晉國赫矣一章八句

烈文伯考時惟帝景夷險平亂威而不猛御衡不迷皇

塗煥炳七德咸宣其寧惟永烈文一章八句

猗歟盛歟先皇聖文則天作孚大哉爲君慎徽五典帝

載是勤文武發揮茂建嘉勳脩已濟治民用寧殷懷遠
燭幽玄教氤氲善世不伐服事三分德博化隆道冒無

垠

氤一作氛 倚
歟一章十六句

隆化洋洋帝命溥將登我晉道越惟聖皇龍飛革運臨
燾八荒叡哲欽明配蹤虞唐封建厥福駿發其祥三朝
習吉終然允臧其臧惟何揔彼萬方元侯列辟四嶽蕃
王時見世享率茲有常旅揖在庭嘉客在堂宋衛旣臻
陳留山陽我有賓使觀國之光貢賢納計獻璧奉璋保

祐命之申錫無疆

我有賓使晉書作有賓有
隆化一章二十八句

振鷺于飛鴻漸其翼京邑穆穆四方是式無競惟人王

綱允勅君子來朝言觀其極

振鷺一章八句

翼翼大君民之攸暨信理天工惠康不匱將遠不仁訓
以淳粹幽明有倫俊乂在位九族既睦庶邦順比開元
布憲四海鱗萃協時正統殊塗同致厚德載物靈心隆
貴敷奏讜言納以無諱樹之典象誨之義類上教如風
下應如卉一人有慶羣萌以遂我后宴喜令問不墜

一章二
十六句

既宴既喜翕是萬邦禮儀卒度物有其容晰晰庭燎
嗶鼓鍾笙磬詠德萬舞象功八音克諧俗易化從其和
如樂庶品時邕

既宴一章
十二句

時邕份份六合同塵往我祖宣威靜殊鄰首定荆楚遂
平燕秦疊疊文皇邁德流仁爰造草昧應乾順民靈瑞
告符休徵響震天地弗違以和神人既戡庸蜀吳會是
賓肅慎率職桔矢來陳韓濊進樂均協清鈞西旅獻獒
扶南效珍蠻裔重譯玄齒文身我皇撫之景命惟新份

晉書作斌斌戡作禽均作
宮 時邕一章二十六句

愔愔嘉會有聞無聲清酤既奠邊豆既馨禮充樂備簫
韶九成愷樂飲酒酣而不盈率土歡豫邦國以寧王猷
允塞萬載無傾

嘉會一章
十二句

同前

正旦大會行禮詩

四首

張華

下同

於赫皇祖，廸哲齊聖。經緯大業，基天之命。克開洪緒，誕篤天慶。旁濟彞倫，仰齊七政。

烈烈景皇，克明克聰。靜封畧定，勳功成。民立政，儀刑萬邦。式固崇軌，光紹前蹤。

允文烈考，濬哲應期。參德天地，比功四時。大亨以正，庶績咸熙。肇啓晉宇，遂登皇基。

明明我后，玄德通神。受終正位，協應天人。容民厚下，育物流仁。躋我王道，輝光日新。

王公上壽詩

樂府 卷六
稱元慶奉壽觴后皇延遐祚安樂撫萬方

食舉東西箱樂詩

十一章

明明在上丕顯厥繇翼翼三壽蕃后惟休羣生漸德六合承流三正元辰朝慶鱗萃華夏奉職貢八荒覲殊類黻冕充廣庭鳴玉盈朝位

濟濟朝位言觀其光儀序旣以時禮文煥以彰思皇享多祐嘉樂永無央

九賓在庭臚讚旣通升瑞奠贄乃俟乃公穆穆天尊隆禮動容履端承元吉介福御萬邦

朝享上下咸雍崇多儀繁禮容舞盛德歌九功揚芳烈

播休蹤

皇化洽洞幽明懷柔百神輯祥禎潛龍躍雕虎仁儀鳳
鳥屆游麟枯蠹榮竭泉流菌芝茂枳棘柔和氣應休徵
弦協靈符彰帝期綏宇宙萬國和昊天成命賚皇家賚
皇家

世資聖哲二后在天啓鴻烈啓鴻烈隆王基率土謳吟
欣戴于時恒文示象代氣著期

泰始開元龍升在位四隩同風燮寧殊類五韙來備嘉
生以遂凝庶績臻大康申繁祉胤無疆本枝百世繼緒
不忘繼緒不忘休有烈光永言配命惟晉之祥

聖明統世篤皇仁廣大配天地順動若陶鈞玄化參自然至德通神明清風暢八極流澤被無垠

於皇時晉奕世齊聖惟天降嘏神祇保定弘濟區夏允集大命有命既集光帝猷大明重曜鑒六幽聲教洋溢惠滂流惠滂流移風俗多士盈朝賢俊比屋敦世心斷彫反素樸反素樸懷庶方干戚舞階庭䟽狄悅遐荒扶南假重譯肅慎襲衣裳雲覆雨施德洽無疆旁作穆穆仁化翔

朝元日賓王庭承宸極當盛明衍和樂竭祇誠仰嘉惠懷德馨遊淳風泳淑清協億兆同歡榮建皇極統天位

運陰陽御六氣殷群生成性類王道浹治功成人倫序
俗化清虔明祀祇三靈崇禮樂式儀刑

慶元吉宴三朝播金石詠泠簫奏九夏舞雲韶邁德音
流英聲八紘一六合寧六合寧承聖明王澤洽道登隆
綏函夏摠華戎齊德教混殊風混殊風康萬國崇夷簡
尚敦德弘王度遠遐則

正旦大會行禮歌

十五章

成公綏

下同

穆穆天子光臨萬國多士盈朝莫匪俊德流化罔極王
猷允塞嘉會置酒嘉賓充庭羽旄曜辰極鐘鼓振泰清
百辟朝三朝式式明儀彤濟濟鏘鏘金振玉聲禮樂具


宴嘉賓眉壽祚聖皇景福惟日新羣后戾止有來雍雍
獻酬納贄崇此禮容豐羞萬俎旨酒千鍾嘉樂盡宴樂

福祿咸攸同

羞一作肴

樂哉天下安寧道化行風俗清簫韶作詠九成年豐穰
世泰平至治哉樂無窮元首聰明股肱忠澍豐澤揚清
風

嘉瑞出靈應彰麒麟見鳳皇翔醴泉湧流中唐嘉禾生
穗盈箱降繁祉祚聖皇承天位統萬國受命應期授聖
德四世重光宣開洪業景克昌文欽明德彌彰肇啓晉
邦流祚無疆



儀聖哲超百代揚休烈流景祚顯萬世

皇皇顯祖翼世佐時寧濟六合受命應期神武鷹揚大
化咸熙廓開皇衢用成帝基

光光景皇無競惟烈匡時拯俗休功益世宇宙旣康九
域有截天命降鑒啓祚明哲

穆穆烈考克明克儁實天生德誕膺靈運肇建帝業開
國有晉載德奕世垂慶洪胤

明明聖帝龍飛在天與靈合契通德幽玄仰化青雲俯
育重川受靈之祐於萬斯年

淵書
作川

王公上壽酒歌

上壽酒樂未央大晉應天慶皇帝永無疆

冬至初歲小會歌

張華

日月不留四氣回周節慶代序萬國同休庶尹羣后奉
壽升朝我有嘉禮式宴白僚繁肴綺錯旨酒泉淳笙鏞
和奏磬管流聲上隆其慶下盡其心宣其壅滯詠之德
音乃宣乃訓配享交泰永載仁風長撫無外

同一作威
壽一作爵

宴會歌

張華

亶亶我皇配天垂光留精日昃經覽無方聽朝有暇延
命衆臣冠蓋雲集罇俎星陳肴蒸多品八珍代變羽爵
無算究樂極宴歌者流聲舞者投袂動容有節絲竹竝

設宣暢四體繁手趣摯懽足發和酣不忘禮好樂無荒
翼翼濟濟

中宮所歌

張華

先王統大業玄化漸八維儀刑乎萬邦內訓隆壺闈皇
英垂帝典大雅詠三妃執德宣隆教正位理厥機含章
體柔順帥禮蹈謙祇螽斯弘慈惠樛木逮幽微德音穆
清風高義邈不追遺榮參日月百世仰餘暉

機一作司

宗親會歌

張華

族燕明禮順餽食序親親骨肉散不殊昆弟豈他人本
枝篤同慶棠棣著先民於皇聖明后天覆弘且仁降禮

崇親戚旁施協族姻式宴盡酣娛飲御備羞珍和樂既
宣洽上下同歡欣德教加四海敦睦被無垠

中宮詩

二首詩紀云張華中宮所歌體與此同

成公綏

殷湯令妃有莘之女仁教內修度義以處清謚後宮

九嬪有序尹爲媵臣遂作元輔

周詩逸軌作賢明誦

天地不獨立造化由陰陽乾坤垂覆載日月曜重光

治國先家道立教起閨房二妃濟有虞三母隆周王

塗山興大禹有莘佐成湯齊晉霸諸侯皆賴姬與姜

關雎思賢妃此言安可忘

燕射樂歌詔公綏同華等作疑此亦中宮所歌今附

宋四箱樂歌

宋書樂志曰王韶之造四箱樂歌五篇隋書樂志曰梁武帝云著晉宋史者皆言太元元嘉四

王韶之

肆夏樂歌

四章客入四箱振作於鑠曲皇帝當陽四箱振作將將曲皇帝入變服四

箱振作於鑠將將二曲又黃鍾太簇二箱作法章九功二曲古今樂錄曰按周禮云王出入奏王夏賓出入奏肆夏肆夏本施之於賓帝王出入則不應奏肆夏也

於鑠我皇體仁包元齊明日月比量乾坤陶甄百王稽則黃軒訐謨定命辰告四蕃

將將蕃后翼翼羣僚盛服待晨明發來朝饗以八珍樂以九韶仰祇天顏厥猷孔昭

法章既設初筵長舒濟濟列辟端委皇除飲和無盈威儀有餘溫恭在位敬終如初

九功既歌六代惟時被德在樂宣道以詩穆矣太和品物咸熙慶積自遠告成在茲

大會行禮歌

二章姑洗箱作

大哉皇宋長發其祥纂系在漢統源伊唐德之克明休有烈光配天作極辰居四方

皇矣我后聖德通靈有命自天誕受休禎龍飛紫極造我宋京光宅宇宙赫赫明明

王公上壽歌

三章黃鍾箱作

獻壽爵慶聖皇靈祚窮二儀休明等三光

殿前登歌

別用金石

明明大宋緝熙皇道則天垂化光定天保天保既定肆
覲萬方禮繁樂富穆穆皇皇

沔彼流水朝宗天池洋洋貢職抑抑威儀既習威儀亦
閑禮容一人有則作孚萬邦

烝哉我皇固天誕聖履端惟始對越休慶如天斯久如
日斯盛介茲景福永固駿命

食舉歌

十章黃鍾太簇二箱更作黃鍾作晨義
體至和王道開元辰禮有容五曲太簇

作五玉懷荒裔皇猷緝
惟永初王道純五曲

晨羲載曜萬物咸覩嘉慶三朝禮樂備舉元正肇始典
章暉明萬方畢來賀華裔文皇庭多士盈九位俯仰觀
玉聲恂恂俯仰載爛其輝鼓鐘震天區禮容塞皇闡思
樂窮休慶福履同所歸

五玉旣獻三帛是薦爾公爾侯鳴玉華殿皇皇聖后隆
禮南面元首納嘉禮萬邦同歡願休哉君臣嘉燕建五
旗列四縣樂有文禮無倦融皇風窮一變

體至和感陰陽德無不柔繁休祥瑞徽璧應嘉鍾舞靈
鳳躍潛龍景星見甘露墜木連理禾同穗玄化洽仁澤
敷極禎瑞窮靈符

懷荒裔綏齊民荷天祐靡不賓靡不賓長世弘盛昭明
有融繁嘉慶繁嘉慶熙帝載合氣咸和蒼生欣戴三靈
協瑞惟新皇代

王道四達流仁布德窮理詠乾元垂訓順帝則靈化侔
四時幽誠通玄默德澤被八紘乾寧軌萬國

皇猷緝咸熙泰禮儀煥帝庭要荒服遐外被髮襲纓冕
左袵回衿帶天覆地載流澤汪濊聲教布護德光大

開元辰畢來王奉貢職朝后皇鳴珩佩觀典章樂王度
悅徽芳陶盛化遊太康丕昭明永克昌

惟永初德不顯齊七政敷五典彛倫序洪化闡王澤流

樂苑 卷一
太平始樹聲教明皇紀和靈祇恭明祀衍景祚膺嘉祉
禮有容樂有儀金石陳干羽施邁武漢均咸池歌南風
舞德稱文武煥頌聲興

王道純德彌淑寧八表康九服道禮讓移風俗移風俗
永克融歌盛美造成功詠徽烈邈無窮

齊四廂樂歌

南齊書樂志曰元會大饗四廂樂齊徵改革多
仍宋舊辭其臨軒樂亦奏肆夏於鑠四章云

肆夏樂歌

四章

於鑠我皇體仁苞元齊明日月比量乾坤陶甄百王稽
則黃軒訐謨定命辰告四蕃

右一曲客
入四廂奏

將將蕃后翼翼羣僚盛服待晨明發來朝饗以八珍樂
以九韶仰祇天顏厥猷孔昭

右一曲皇帝當陽四箱奏
皇帝入變服四箱并奏前

二曲

法章既設初延長舒濟濟列辟端委皇除飲和無盈威
儀有餘溫恭在位敬終如初

九功既歌六代惟時被德在樂宣道以時穆矣大和品

物咸熙慶積自遠告成在茲

右二曲皇帝入變服
黃鍾太簇二箱奏

大會行禮歌

二章

大哉皇齊長發其祥祚隆姬夏道邁虞唐德之克明休
有烈光配天作極辰居四方

皇矣我后聖德通靈有命自天誕授休禎龍飛紫極造

我齊京光宅宇宙赫赫明明

右二曲姑洗廟奏

上壽歌

獻壽爵慶聖皇靈祚窮二儀休明等三光

右一曲黃鍾箱奏

殿前登歌

三章

明明齊國緝熙皇道則天垂化光定天保天保既定肆
觀萬方禮繁樂富穆穆皇皇

沔彼流水朝宗天池洋洋貢職抑抑威儀既習威儀亦
閑禮容一人有則作孚萬邦

烝哉我皇寔靈誕聖履端惟始對越休慶如天斯崇如

日斯盛介茲景福永固洪命

右三曲別用金石太樂令跪奏

食舉歌 十章

晨儀載煥萬物咸覩嘉慶三朝禮樂備舉元正肇始典
章徽明萬方來賀華夷文庭多士盈九德俯仰觀玉聲
恂恂俯仰載爛其暉鐘鼓震天區禮容塞皇闈思樂窮
休慶福履同所歸

五玉既獻三帛是薦爾公爾侯鳴玉華殿皇皇聖后降
禮南面元首納嘉禮萬邦同欽願休哉休哉君臣熙宴
建五旗列四縣樂有文禮無勸融皇風窮一變

禮至和感陰陽德無不柔繁休祥瑞徽壁應嘉鍾舞雲

鳳躍潛龍景星見甘露墜木連理禾同穗玄化洽仁澤
敷極禎瑞窮靈符

懷荒遠綏齊民荷天祐靡不賓靡不賓長世盛昭明有
融繁嘉慶繁嘉慶熙帝載含氣感和蒼生欣戴三靈協
瑞惟新皇代

王道四達流仁布德窮理詠乾元垂訓從帝則靈化侔
四時幽誠通玄默德澤被八紘禮章軌萬國

皇猷緝成熙泰禮儀煥帝庭要荒服遐外被髮襲纓冕
左袵回衿帶天覆地載澤流汪濊聲教布濩德光大

開元辰畢來王奉貢職朝后皇鳴珎佩觀典章樂王慶

悅徽芳陶盛化遊太康惟昭明永克昌

惟建元德不顯齊七政敷五典彛倫序洪化闡王澤流
太平始樹靈祇恭明祀衍景祚膺嘉祉

禮有容樂有儀金石陳于羽施邁武濩均咸池歌南風
德永稱文明煥頌聲興

王道純德彌淑寧八表康九服導禮讓移風俗移風俗

永克融歌盛美告成功詠休烈邈無窮

右黃鍾先秦晨儀篇太簇奏五

玉篇餘八篇
二廂更奏之

古樂苑卷第六

終

古樂苑卷第七

西吳 梅鼎祚 補正

東越 呂胤昌 校閱

燕射歌辭二
梁 北齊 北周 隋

梁三朝雅樂歌

俊雅

三曲四言衆官出入奏隋書樂志曰宋元徽三年儀注奏肅成樂齊及梁初亦同至

是改爲俊雅取禮記王制云司徒選士之秀者升之學曰俊士也二郊太廟明堂三朝同

用焉

沈約 下同

設官分職髦俊攸俟髦俊伊何貴德尚齒唐乂咸事周
寧多士區區衛國猶賴君子漢之得人帝猷乃理

開我八襲闢我九重珎珎流響纓紱有容衮衣前邁列
辟雲從義兼東序事美西雍分階等肅異列齊恭

重列北上分庭異陞百司揚職九賓相禮齊宋舅甥魯
衛兄弟思皇藹藹羣龍濟濟我有嘉賓實惟愷悌

胤雅

一曲四言皇太子出入奏隋書樂志曰胤雅取詩君子萬年永錫祚胤也三朝用之

自昔殷代哲王迭有降及周成惟器是守上天乃眷大
梁旣受灼灼重明仰承元首體乾作貳命服斯九置保
置師居前居後前星比耀克隆萬壽

寅雅

一曲三言王公出入奏隋書樂志曰寅雅取尚書周官云貳公弘化寅亮天地也三

朝用之

禮莫違樂具舉延藩辟朝帝所執栢蒲列齊莒垂袞毳
紛容與升有儀降有序齊簪紱忘笑語始矜嚴終酣醕

介雅

三曲五言上壽酒奏隋書樂志曰介雅取詩大雅云君子萬年介爾景福也三朝用之

百福四象初萬壽三元始拜獻惟袞職同心協卿士北
極永無窮南山何足擬

壽隨百禮洽慶與三朝升惟皇集繁祉景福互相仍申
錫永無遺穰簡必來應

百味既合馨六飲莫能尚玉疊信湛湛金卮頗搖漾敬
舉發天和祥祉流嘉貺

需雅

八曲七言食舉奏隋書樂志曰需雅取易象曰雲上於天需君子以飲食宴樂也三

朝用之

實體平心待和味庶羞百品多爲貴或鼎或鼐宣九沸
楚桂胡鹽芼芳卉加籩列俎彫且蔚

五味九變兼六和令芳甘旨庶且多三危之露九期禾
圓按方丈粲星羅皇舉斯樂同山河

九州上腴非一族玄芝碧樹壽華木終朝采之不盈掬
用拂腥羶和九穀旣甘且飫致遐福

人欲所大味爲先興和盡敬咸在旃碧鱗朱尾獻嘉鮮
紅毛綠翼墜輕翮臣拜稽首萬斯年

擊鍾以俟惟大國況乃御天流至德侑食斯舉揚盛則
其禮不訾儀不忒風猷所被深且塞

膳夫奉職獻芳滋不麝不夭咸以時調甘適苦別澠淄
其德不爽受福釐於焉逸豫永無期

備味斯饗惟至聖咸降人神禮爲盛或風或雅流歌詠
負鼎言歸啓殷命悠悠四海同茲慶

道我六穗羅八珍洪鼎自爨匪勞薪荆包海物必來陳
滑甘滫瀡味和神以斯至德被無垠

雍雅

三曲四言撤饌奏隋書樂志曰雍雅取禮
記仲尼燕居云大饗客出以雍撤也三朝

之用

明明在上其儀有序終事靡訐收鉶撤俎乃升乃降和
樂備舉天德莫違人謀是與敬行禮達茲焉讌語

我餽惟阜我有孔庶嘉味既充食旨斯飫屬厭無爽沖
和在御擊壤齊歡懷生等豫蒸庶乃粒實由仁恕

百司警列皇在在陞既飫且醕卒食成禮其容穆穆其
儀濟濟凡百庶僚莫不愷悌奄有萬國抑由天啓

同前

說見梁雅
樂歌注

俊雅

三曲

蕭子雲

下同

惟王建國辨方正位於赫有梁向明而治知人則哲聰
明文思思皇多士俊乂咸事弗惟其官惟人乃備訓迪

庶工位以德序恭已而治垂旒當宁或以言揚或以事
舉春朝秋覲圭幣惟旅翼翼豐郇峨峨齊楚客入金奏
賓至縣興威儀有則是降是升百辟卿士元首是承左
右秩秩終敬且矜彛倫攸序王猷以凝

胤雅

一曲

天下爲家大梁受命眷求一德惟烈無競儀刑哲王元
良誕慶灼灼明兩作離承聖英華外發溫文成性立師
立保左右惟政休有烈光前星比盛

求一作永

寅雅

一曲

車同軌行同倫來萬國相九賓延羣后朝盡臣禮時行

樂日新從夷則奏雅寅衮衣曜玉帛陳儀抑抑皇恂恂

介雅 三曲

明君創洪業大同登頌聲開元洽百禮來儀奏九成申
錫南山祚赫赫復明明

三朝禮樂和百福隨春酒玉樽湛而獻聰明作元后安
樂享延年無疆臣拜手

四氣新元旦萬壽初今朝趨拜齊衮玉鍾石變簫韶日
升等皇運洪基邈且遙

需雅 八曲

農用八政食爲元播時百穀民所天禘嘗郊社盡潔虔

讌饗饋食禮節宣九功惟序登頌絃

感物而動物靡遂大羹不和有遺味非極口腹而行氣
節之民心殺攸貴寧爲禮本饗與餼

始諸飲食物之初設卦觀象受以需蒸民乃粒有牲芻
自衛反魯刪詩書弋不射宿殺已祛

在昔哲王觀民志庶羞百品因時備爲善不同同歸治
蔬膳非食化始至率物以躬行尊位

雅有洞酌風采蘋蕓藻之菜非八珍澗溪沼沚貴先民
明信之德感人神譬諸禴祭在西鄰

行葦之微猶勿踐寧惟血氣無身剪聖人之心微而顯

卷七
五
千里之應出言善况遂豚魚革前典

春酸夏苦冬有宜筐筥錡釜備糗馳逡巡揖讓詔司儀
卑高制節明等差君臣之序正在斯

日月光華風四塞規饗有序儀不忒匪天私梁乃佑德
光被四表自南北長世綴旒爲下國

雍雅 二曲

穆穆天子時惟聖敬濟濟羣公恭爲德柄爲撤有典膳
夫是命禮行禘嘗義光朝聘神饗其德民洽其慶

尚有和羹旣戒且平亦有其餽亦惟克明其餽惟旅其
醕惟成百禮斯洽三肴已行明哉元首遍駿其聲

戒食有章卒食惟序庭鳴金奏凱收邊管客出以雍撤
以振羽離磬乃作和鍾備舉濟濟威儀嚶嚶翼翼

北齊元會大饗歌

隋書樂志曰北齊元會大饗協律不得升陛黃門舉麾於殿上

肆夏

賓入門四箱奏

昊蒼眷命興王統天業高帝始道邈皇先禮成化穆樂
合風宣寶朝荒夏揚對穹玄

揚對一作對揚

皇夏

皇帝出閣奏

夏正肇旦周物充庭具僚在位俛伏無聲大君穆穆宸
儀動睟日煦天廻萬靈胥萃

皇夏

皇帝當展羣臣奉賀奏

天子南面乾覆離明三千咸列萬國填并猶從禹會如
次湯庭奉茲一德上下和平

皇夏

皇帝入宁變服黃鍾太簇二箱奏

我應天曆四海爲家協同内外混一戎華鶴蓋龍馬風
乘雲車夏章夷服其會如麻九賓有儀八音有節肅肅
於位飲和在列四序氤氲三光昭晰君哉大矣軒唐比
轍

皇夏

皇帝變服移幄坐於西箱帝出升御坐姑洗箱奏

皇運應籙廓定區寓受終以文構業以武堯昔命舜舜

亦命禹大人馭歷重規沓矩欽明在上昭納八寅從靈
體極誕聖窮神化生羣品陶育烝人展禮肆樂協此元
春

肆夏 王公奠璧奏

萬方咸暨三揖以申垂旒馮玉五瑞交陳拜稽有章升
降有節聖皇負展虞唐比烈

上壽曲 上壽黃鍾箱奏

仰三光奏萬壽人皇御六氣天地同長久

登歌

皇太子入至坐位酒
至御殿上奏二曲

大齊統曆道化光明馬圖呈寶龜籙告靈百蠻非衆八

荒非逃同作堯人俱包禹迹

天覆地載成以四時惟皇是則比大於茲羣星拱極衆
川赴海萬寓駿奔一朝咸在

齊之以禮相趨帝庭應規蹈矩玉色金聲動之以樂和
風四布龍申鳳舞鸞歌麟步

食舉樂

食至御前奏
十曲

三端正啓萬方觀禮具物充庭二儀合體百華照曉千
門洞晨或華或裔奉贄惟新悠悠亘六合圓首莫不臣
仰施如雨晞和猶日風化表笙鏞歌謳被琴瑟誰言文
軌異今朝混爲一

彤庭爛景丹陛流光懷黃綰白鵠鷺成行文贊百揆武
鎮四方折衝鼓雷電獻替協陰陽大矣哉道邁上皇陋
五帝挾三皇窮禮物該樂章序冠帶垂衣裳

天壤和家國穆悠悠萬類咸孕育契冥化侔大造靈効
珍神歸寶興雲氣飛龍蒼麟一角鳳五光朱雀降黃玉
表九尾馴三足擾化之定至矣哉瑞感德四方來

囹圄空水火菽粟求賢振滯棄珠玉衣不靡宮以卑當
陽端嘿垂拱無爲云云萬有其樂不訾

嗟此舉時逢至道肖形成自持賦命無傷天行氣進皇
輿遊龍服帝皐聖主寧區宇乾坤永相保

樂六十六
卷十
牧野征鳴條戰大齊家萬國拱揖應終禪奧主廓清都
大君臨赤縣高居深視當辰正殿旦暮之期今一見
兩儀分牧以君陶有象化無垠大齊德邈誰羣超鳳火
冠龍雲露以潔風以薰榮光至氣氤氲

神化遠人靈協寒暑調風雨燮披泥檢受圖謀圖謀啓
期運昌分四序綴三光延寶祚眇無疆

惟皇道升平日河水清海不溢雲干呂風入律驅黔首
入仁壽與天高竝地厚

刑以厝頌聲揚皇情邈眷汾襄岱山高配林壯亭亭聳
云云望旆葳蕤駕騃騃刊金闕奠玉龜

皇夏

皇帝入
鍾鼓奏

禮終三爵樂奏九成允也天子穹壤和平載色載笑反
寢宴息一人有祉百神奉職

周五聲調曲

序曰元正饗會大禮賓至食舉稱觴薦玉
六律既從八風斯暢以歌大業以舞成功

宮調曲

五首

庾信

下同

氣離清濁割元開天地分三才初辨正六位始成文繼
天爰立長安民乃樹君其明廣如日其澤厚如雲惟昔
我文祖撥亂拒謳歌三分未撫運八百不陵河禮敷天
下信樂正神人和風塵行息警江海欲無波

我皇承下武革命在君臨膺圖當舜玉嗣德受堯琴沈
首多推運陽城有讓心就日先知遠觀淵早見深玄精
實委御蒼正乃皆平履端朝萬國年祥慶百靈玉帛咸
觀禮華戎各在庭鳳響中夷則天文正玉衡皇基自天
保萬物乃由庚

祥一作期

握衡平地紀觀象正天樞祺祥鍾赤縣靈瑞炳皇都更
受昭華玉還披蘭葉圖金波來白兔弱木下蒼鳥玉斗
調元協金沙富國租青丘還擾圃丹穴更巢梧安樂新
咸慶長生百福符

明明九族序穆穆四門賓陰陵朝北附蟠木引東臣澗

途求板築溪源取釣綸多士歸賢戚維城屬茂親貴位
連南斗高榮據北辰迎時乃推策司職且班神日月之
所照霜露之所均永從文軌一長無外戶人

鬱盤舒棟宇崢嶸侔大壯拱木詔林衡全模徵梓匠千
櫨綺翼浮百拱長虹抗北去邯鄲道南來偃師望龍首
載文槐雲楣承武帳居者非求隘卑宮豈難尚壯麗天
下觀是以從蕭相

變宮調 二首

帝遊光出震君明擅在離巖廊惟眷顧欽若尚無爲龍
穴非難附鸞巢欲可窺具茨應不遠汾陽寧足隨烝民

播殖重溝洫劬勞多桑林還注雨積石遂開河明徵逢
永命平秩值年和更有薰風曲方聞晨露歌

移風廣軒曆崇德盛唐年成文興大雅出豫動鈞天黃
鍾六律正閭闔八風宣孤竹調陽管空桑節雅弦舞林
鸞更下歌山鳳欲前聞音能辨俗聽曲乃思賢感物觀
治亂心恒防未然君子得其道太平何有焉

商調曲

四首

君以宮唱寬大而謨明臣以商應聞義則可行有能爲
政訪道於容成殷湯受命委任於阿衡忠其敬事有罪
不逃刑誦其箴諫言之無隱情有剛有斷四方可以寧

既頌既雅天下乃升平專精一致金石爲之開動其兩
心妻子恩情乖苟利社稷無有不盡懷昊天降祐元首
惟康哉

百川俱會大海所以深羣材既聚故能成鄧林猛虎在
山百獸莫敢侵忠臣處國天下無異心昔我文祖執心
且危慮驅剪豺狼經營此天步今我受命又無敢逸豫
惟爾弼諧各可知競懼

禮樂既正人神所以和玉帛有序志欲靜干戈各分符
瑞俱誓裂山河今日相樂對酒且當歌道德以喻聽撞
鐘之聲神姦不若觀鑄鼎之形艷宮既朝諸侯於是穆

岐陽或狩淮夷自此平若涉大川言憑於舟楫如和鼎
實有寄於鹽梅君臣一體可以靜氛埃得人則治何世
無奇才

風力是舉而台階序平重黎旣登而天地位成功無與
讓銘太常之旌世不失職受騂毛之盟輯瑞班瑞穆穆
於堯門惟翰惟屏膺膺於周原功成而治定禮樂斯存
復子而明辟姬旦何言

角調曲 二首

止戈見於絕轡之野稱伐聞於丹水之征信義俱存乃
先忘食五材竝用誰能去兵雖聖人之大寶曰位實天

地之大德曰生溼潤同流清濁異能琴瑟並御雅鄭殊
聲擾擾烝人聲教不一茫茫禹跡車軌未并志在四海
而尚恭儉心包宇宙而無驕盈言而無文行之不遠義
而無立勤則無成惻隱其心訓以慈惠流宥其過哀矜
典刑

匡贊之士或從漁釣雲雨之才乍歎幽谷尋芳者追深
逕之蘭識韻者探窮山之竹克明其德貢以三事樹之
風聲言于九牧協用五紀風若從時農用八政甘作其
穀殊風共軌見之周南異畝同穎聞之康叔祁寒暑雨
是無胥怨天覆雲油滋焉滲漉幸無謝上古之淳人庶

可以封之於比屋

探一作採

徵調曲 六首

乾以含養覆載日月以貞明照臨達人以四海爲務
明君以百姓爲心水波瀾者源必遠樹扶疎者根必深
雲雨取施無不洽廊廟求才多所任

淳風布政常無欲至道防人能變俗求仁義急於水火
用禮讓多於菽粟屈軼無佞人可指獬豸無繁刑可觸
王道蕩蕩用無爲天下四人誰不足

聖人千年始一生黃河千年始一清攝提以之而從紀
王燭於是而文明東南可以補地缺西北可以正天傾

浮鼉則東海可厲運鍾則南山可平衆仙就朝於瑤水
羣帝受享於明庭懷和則韎任竝奏功烈則鍾鼎俱銘
三光以記物呈形四時以裁成正位雷風大山嶽之響
寒暑通陰陽之氣武功則六合攸同文教則二儀經緯
有道則咸浴其德好生則各繁其類白日經天中則移
明月橫漢滿而虧能虧能缺旣無爲雖盈雖滿則不危
開信義以爲苑囿立道德以爲城池周監二代所損益
郁郁乎文其可知庖犧之親臨佃漁神農之躬秉耕稼
湯則救旱而憂勤禹則正冠而無暇草上之風無不偃
君子之昨知而化將欲比德於三皇未始追蹤於五霸

纖纖不絕林薄成涓涓不止江河生事之毫髮無謂輕
慮遠防微乃不傾雲官乃垂拱大君鳳曆惟欽明元首
類上帝而禋六宗望山川而朝羣后地鏡則山澤俱開
河圖則魚龍合負我之天綱莫不該閭闔九關天門開
卿相則風雲玄感匡贊則星辰下來既興周室之三聖
乃舉唐朝之八才莘臣參謀於左相大老教政於中台
其宜作則於明哲故無崇信於姦回

正陽和氣萬類繁君王道合天地尊黎人耕植於義圃
君子翱翔於禮園落其實者思其樹飲其流者懷其源
咎繇爲謀不仁遠士會爲政羣盜奔克寬則昆蟲內向

彰信則殊俗宅心浮橋有月支抱馬上苑有烏孫學琴
赤玉則南海輸賁白環則西山獻琛無勞鑿空於大夏
不待蹶角於蹕林

羽調曲 五首

樹君所以牧人立法所以靜亂首惡旣其南巢元亮於
是北竄居休氣而四塞在光華而兩旦是以雨施作解
是以風行惟渙周之文武洪基光宅天下文思千載克
聖咸熙七百在我應期實昊天有成命惟四方其訓之
運平後親之俗時亂先疎之雄踰桂林而驅象濟弱水
而承鴻旣浮干呂之氣還吹入律之風錢則都內貫朽

樂苑 卷一 十四
倉則常平粟紅火中乃寒乃暑年和一風一雨聽鍾磬
念封疆聞笙竽思畜聚瑤琨篠簜旣從恠石鈇松卽序
長樂善馬成廐水衡黃金爲府

百川乃宗巨海衆星是仰北辰九州攸同禹跡四海合
德堯臣朝陽栖於鳴鳳靈時牧於般麟雲玉葉而五色
月金波而兩輪涼風迎時北狩小暑戒節南巡山無藏
於紫玉地不受於黃銀雖南征而北怨實西略而東賓
旣永清於四海終有慶於一人

定律零陵玉管調鍾始平銅尺龍門之下孤桐泗水之
濱鳴石河靈於是讓珪山精所以奉璧滌九川而賦稅

桀三危而納錫北里之禾六穗江淮之茅三脊可以玉
檢封禪可以金繩探冊終永保於鴻名足揚光於載籍
太上之有立德其次之謂立言樹善滋於務本除惡窮
於塞源沖深其智則厚昭明其道乃尊仁義之財不匱
忠信之禮無繁動天無有不屆惟時無幽不徹作德心
逸日休作僞心勞日拙自非剛克掩義無所離于勲絕

隋元會大饗歌

皇夏

皇帝出入殿庭奏
郊丘社廟同用

深哉皇度粹矣天儀司陞整蹕式道先馳八屯霧擁七
萃雲披退揚進揖步矩行規句陳乍轉華蓋徐移羽旗

樂府 卷一
照耀珪組陸離居高念下處安思危照臨有度紀律無虧

肆夏

皇太子出入奏

惟熙帝載式固王猷體乾建本是曰孟侯馳道美漢寢
門稱周德心旣廣道業惟優傳保斯導賢才與遊瑜玉
發響畫輪停輶皇基方峻七鬯恒休

食舉歌

食舉奏
八曲

燔黍設教禮之始五味相資火爲紀平心和德在甘旨
牢羞旣陳鍾石俟以斯而御揚盛軌

養身必敬禮食昭時和歲阜庶物饒鹽梅旣濟鼎鉉調

特以膚腊加臙曉威儀濟濟懋皇朝

饗人進羞樂侑作川潛之膾雲飛臙甘醲有宜芬勺藥
金敦玉豆盛交錯御鼓既聲安以樂

玉食惟后膳必珍芳菰既潔重秬新是能安體又調神
荆包畢至海貢陳用之有節德無垠

嘉羞入饋猶化謐沃土名滋帝臺實陽華之菜雕陵栗
鼎俎芬芳豆籩溢通幽致遠車書一

道高物備食多方山膚既善水蓂良栢蒲在位箕業張
加籩折俎爛成行恩風下濟道化光

禮以安國仁爲政具物必陳饗牢盛置罍斤斧順時令

樂府 卷一
懷生熙熙皆得性於茲宴喜流嘉慶

皇道四達禮樂成臨朝日舉表時平甘芳既飫醕以清
揚休玉卮正性情隆我帝載永明明

上壽歌

上壽酒奏

俗已乂時又良朝玉帛會衣裳基同北辰久壽共南山
長黎元鼓腹樂未央

宴羣臣登歌

燕饗羣臣奏登歌并文舞武舞

皇明馭歷仁深海縣載擇良辰式陳高宴顒顒卿士昂
昂侯甸車旗煜燿衣纓蔥蒨樂正展懸司宮飾殿三揖
稱禮九賓爲傳圓鼎臨碑方壺在而鹿鳴成曲嘉魚入

薦筐篚相輝獻酬交徧飲和飽德恩風長扇

大射登歌

道謚金科照時乂玉條明優賢饗禮洽選德射儀成鑾
旗鬱雲動寶軼儼天行巾車整三乏司裘飾五正鳴球
響高殿華鐘震廣庭烏號傳昔美淇衛著前名揖讓皆
時傑升降盡朝英附枝觀體定杯水覩心平豐觚既來
去燔炙復從橫欣看禮樂盛喜遇黃河清

皇后房內歌


隋書樂志曰高祖龍潛時頗好音樂嘗倚琵琶
作歌二章名曰地厚天高託言夫婦之義牛弘
脩皇后房內之樂因取之爲房內曲命婦人并
登歌上壽竝用之煬帝大業初柳顧言議以爲

房內樂者主爲王后弦歌諷誦以事君子故以
房室爲名其樂必有鍾磬乃益歌鍾歌磬土革
絲竹副之并升歌下管摠名房
內之樂女奴肄習朝燕用焉

至順垂典正內弘風母儀萬國訓範六宮求賢啓化進
善宣功家邦載序道業斯融

古樂苑卷第七

終



至順聖典正內弘風母儀萬國訓範六宮永賢啓化進
在宣功家邦鼓序道業新猷



